

Broj: 01-11/5-526-8/2020
Sarajevo, 16.06.2020. godine

Na osnovu člana 90. Zakona o javnim nabavkama Bosne i Hercegovine („Službeni glasnik BiH“, broj 39/14), Pravilnika o postupku direktnog sporazuma („Službeni glasnik BiH“, broj 90/14), te čl. 6. i 7. Pravilnika o postupku direktnog sporazuma u Federalnom ministarstvu poljoprivrede, vodoprivrede i šumarstva, broj 10-14/5-424/16 od 18.01.2016. godine, ministar Federalnog ministarstva poljoprivrede, vodoprivrede i šumarstva, **d o n o s i**

O D L U K U

o dodjeli ugovora o nabavci usluga registracije i tehničkog pregleda službenih vozila

I

Ugovor o nabavci usluga registracije i tehničkog pregleda službenih vozila Federalnog ministarstva poljoprivrede, vodoprivrede i šumarstva, po provedenom direktnom sporazumu, dodjeljuje se ponuđaču „AC Quattro“ d.o.o. Sarajevo.

Ugovor sa ponuđačem „AC Quattro“ d.o.o. Sarajevo zaključit će se pod slijedećim uslovima:

- Ukupna cijena bez PDV-a: 1.170,92 KM
- Rok isporuke: u roku od 3 dana od dana prijema narudžbenice od strane Naručioca
- Rok plaćanja: plaćanje će se vršiti u roku od 30 dana od dana ispostavljanja fakture.

II

Ugovorni organ će sa ponuđačem iz tačke I ove odluke zaključiti ugovor kojim će se regulisati međusobna prava i obaveze vezana za predmetnu javnu nabavku, a u skladu sa uslovima definisanim u Ponudi za nabavku usluga registracije i tehničkog pregleda službenih vozila Federalnog ministarstva poljoprivrede, vodoprivrede i šumarstva i zakonskim propisima koji regulišu postupak ugovaranja.

III

Ova odluka će se objaviti na web stranici Federalnog ministarstva poljoprivrede, vodoprivrede i šumarstva.

O b r a z l o ž e n j e

Ministar Federalnog ministarstva poljoprivrede, vodoprivrede i šumarstva je svojom odlukom broj: 01-11/5-526/2020 od 27.03.2020. godine pokrenuo direktni postupak javne nabavke usluga registracije i tehničkog pregleda službenih vozila Federalnog ministarstva poljoprivrede, vodoprivrede i šumarstva.

Postupak je provela komisija za javne nabavke imenovana rješenjem ministra broj 10-14/5-418/2020 od 04.02.2020. godine.

Na osnovu odluke o pokretanju postupka Komisija za javne nabavke je uputila Poziv za dostavljanje ponuda slijedećim firmama: „AC Quattro“ d.o.o. Sarajevo, „Euroherc osiguranje“ d.d. Sarajevo i „Autodelta“ d.o.o. Sarajevo.

U ostavljenom roku, ponude su dostavili „AC Quattro“ d.o.o. Sarajevo i „Autodelta“ d.o.o. Sarajevo.

Nakon prijema ponuda Komisija je izvršila otvaranje ponuda, konstatovala da je ponuda firme „AC Quattro“ d.o.o. Sarajevo najpovoljnija, te da je ponuđač dostavio dokumentaciju traženu pozivom za dostavljanje ponuda.

Komisija je konstatovala da je ponuđač robe ponudio pod slijedećim uslovima:

- Ukupna cijena bez PDV-a: 1.170,92 KM,
- Rok isporuke: u roku od 3 dana od dana prijema narudžbenice od strane Naručioca
- Rok plaćanja: plaćanje će se vršiti u roku od 30 dana od dana ispostavljanja fakture.

Komisija je jednoglasno odlučila da se ministru da preporuka da donese odluku kojom će ugovor o nabavci predmetnih roba dodijeliti ponuđaču „AC Quattro“ d.o.o. Sarajevo.

Nakon razmatranja svega naprijed navedenog ministar je donio odluku kao u dispozitivu.

Pouka o pravnom lijeku: Protiv ove odluke žalba nije dopuštena.



Dostaviti:

- „Autodelta“ d.o.o. Sarajevo, Bolnička do broja 11., Sarajevo,
- „AC Quattro“ d.o.o. Sarajevo, Put života br. 1., Sarajevo,
- Komisija za javne nabavke,
- Sektor za finansije i računovodstvo,
- a/a.